



SAKSPAPIR

Saksnr	Utval	Type	Dato
11/2018	Formannskap/plan- og økonomiutvalet	PS	29.01.2018
	Kommunestyret	PS	

Sakshandsamar	Arkiv	ArkivsakID
Tore Henrik Øye	FE - 223, FA - V00	17/58

TILDELING AV MIDLAR FRÅ VAKSDAL LANDBRUKSFOND 2017

Vedlegg:

Søknad om tilskot frå Vaksdal landbruksfond til landbruksfest 2017

Søknad til Landbruksfondet om tilskudd til vedmaskin

Søknad om tilskot til kjøp av felles reiskap

FRAMLEGG TIL ENDRING AV VEDTEKTER FOR VAKSDAL LANDBRUKSFOND - JUSTERING AV GRUNNKAPITAL

Vedtekter landbruksfondet 03.05.2007

Styret i Vaksdal landbruksfond sitt framlegg til vedtak:

Med heimel i §§ 2 og 5 i vedtektene for Vaksdal landbruksfond, vert det løyvd følgjande tilskot frå fondet i 2017:

- Inntil kr. 7 500,- i tilskot til landbruksfest i regi av faglaga i landbruket i Vaksdal kommune, v/ Kristine Sæterdal. Tilskotet utgjer 15 % av dokumenterte kostnader.
- Inntil kr. 34 840,- i tilskot til kjøp av vedmaskin i regi av tre gardbrukarar i Eksingedalen, v/ Leif Kåre Ekse. Tilskotet utgjer 26 % av budsjetterte/dokumenterte kostnader.
- Inntil kr. 7 312,- i tilskot til kjøp av ny rotorharv i regi av Eidslandet Maskinring, v/ Jahn Olav Nordheim. Tilskotet utgjer 30 % av dokumenterte kostnader.

Administrasjonen i Vaksdal kommune gjennomfører utbetaling av tilskota i tråd med vedtaket.

Formannskap/plan- og økonomiutvalet - Sak 11/2018

FPØ - Behandling:

Samrøystes vedtak.

FPØ - Tilråding/Vedtak:

Med heimel i §§ 2 og 5 i vedtektene for Vaksdal landbruksfond, vert det løyvd følgjande tilskot frå fondet i 2017:

- Inntil kr. 7 500,- i tilskot til landbruksfest i regi av faglaga i landbruket i Vaksdal kommune, v/ Kristine Sæterdal. Tilskotet utgjer 15 % av dokumenterte kostnader.
- Inntil kr. 34 840,- i tilskot til kjøp av vedmaskin i regi av tre gardbrukarar i Eksingedalen, v/ Leif Kåre Ekse. Tilskotet utgjer 26 % av budsjetterte/dokumenterte kostnader.
- Inntil kr. 7 312,- i tilskot til kjøp av ny rotorharv i regi av Eidslandet Maskinring, v/ Jahn Olav Nordheim. Tilskotet utgjer 30 % av dokumenterte kostnader.

Administrasjonen i Vaksdal kommune gjennomfører utbetaling av tilskota i tråd med vedtaket.

Saksopplysningar:

Bakgrunn

Søknadsfristen for å søkje om tilskot frå Vaksdal landbruksfond er 1. desember kvart år. Fondsstyret skal gje innstilling til politisk vedtak i kommunestyret innan utgangen av januar påfølgjande år, jf. §§ 7 og 8 i vedtektene.

Det kom inn tre søknadar til landbruksfondet i 2017:

S-dato	Føremål	Søknadssum	Omsøkt finansiering	Søklar
27.02.17	Tilskot til landbruksfest	Kr 10 000,-	20 %	Faglaga i landbruket i Vaksdal kommune, v/ Kristine Sæterdal
24.10.17	Tilskot til kjøp av felles vedmaskin	Kr 40 200,-	30 %	Leif K. Ekse, Gaute Øvstedal, Lars B. Nesheim
20.10.17	Tilskot til kjøp av felles rotorharv	Kr 14 062,-	50 %	Eidslandet Maskinring, v/ Jahn Olav Nordheim

Saldoen til landbruksfondet per 31.12.2017, var kr. 1 849 217,- .

I følgje § 1 i vedteken til fondet, er kapital ut over bunden grunnkapital på kr. 1 800 000,- frie fondsmidlar. Dette gjev kr. 49 217,- i tilgjengelege kapital for mogeleg tildeling i 2017.

Vurdering

Styret i landbruksfondet handsama innkomne søknadar på møtet den 17.01.18. Saksframstilling og vurdering går fram av det følgjande:

- SØKNAD OM TILSKOT TIL LANDBRUKSFEST

Landbruksfesten vart halde på Verpelstad gard 10.02.17, og markerte at Jan Vaksdal slutta som veterinær etter over 30 års arbeid for god dyrevelferd i Vaksdal og Modalen kommunar. Festen var eit fellesarrangement for landbruksnæringa, og samla om lag 50 deltakarar frå heile kommunen.

Søknaden viser totale utgifter på kr. 50 035,-, og søknadsbeløpet på kr. 10 000,- utgjør 20 % av kostnadane.

Av § 5, punkt 2 i vedtektene til landbruksfondet, går det fram kva tiltak som kan – og ikkje kan – få finansiering. Tiltaka som heimlar tilskot er av praktisk, produksjonsretta art. I dette høve vert felles arrangement som landbruksfest, vurdert å vere litt på sida av fondsføreåret. Gjeldande arrangement vert likevel sett på som positivt og samlande for næringa lokalt, og tek utgangspunkt i praktisk og næringsretta drift på garden.

Fondsstyret går difor inn for å gje tilskot til landbruksfesten som eit unnatak, og finn på bakgrunn av tilgjengeleg fondskapital og ei samla vurdering av inntektsne søknadar, grunnlag for å løyve kr. 7 500,- til tiltaket (15 % finansiering).

· SØKNAD OM TILSKOT TIL KJØP AV FELLES VEDMASKIN

Søklarane driv aktiv gardsdrift i Eksingedalen. Søknaden viser kr. 134 000,- eks. mva. i kostnad med innkjøp av vedmaskina. Omsøkt tilskot på kr. 40 200,- utgjør 30 % av total kostnad.

Søknaden frå grunneigarane er i tråd med § 2 (føreåret) og § 5 (bruk) i vedtektene til landbruksfondet. Investeringa støttar kravet om fellestiltak ved tildeling av tilskot til maskinar og reiskap, og det kan løyvast inntil 35 % av dokumentert kostnad.

Ut frå tilgjengeleg fondskapital og ei samla vurdering av inntektsne søknadar, innstiller fondsstyret på kr. 34 840,- i tilskot til innkjøp av vedmaskina (26 % finansiering).

· SØKNAD OM TILSKOT TIL KJØP AV NY ROTORHARV

I følgje søknaden har Eidslandet Maskinlag 8 aktive medlemmer, der gardbrukarane brukar felles reiskapar til jord- og åkerbruk. Nyleg innkjøpt rotorharv kosta kr. 28 125, eks. mva, og det vert søkt om kr. 14 062,- i tilskot frå fondet.

Søknaden frå maskinlaget er i tråd med § 2 (føreåret) og § 5 (bruk) i vedtektene til landbruksfondet. Investeringa støttar kravet om fellestiltak ved tildeling av tilskot til maskinar og reiskap, og det kan gjevast inntil 35 % av dokumentert kostnad – ikkje 50 %, som det vert søkt om.

Ut frå tilgjengeleg fondskapital og ei samla vurdering av inntektsne søknadar, innstiller fondsstyret på kr. 7 312,- i tilskot til innkjøp av rotorharva (26 % finansiering).

Konklusjon

Fondsstyret går inn for å fordele alt av tilgjengeleg kapital i landbruksfondet mellom inntektsne søknadar i 2017. Dette tydar at kapitalen i fondet må byggjast opp att, ut over bunden grunnkapital. Fondstyret vil i dette høve bruk sitt mandat til å vurdere alternativ plassering av fondskapitalen til bankinnskot, for å få høgare, årleg avkastning, jf. § 6 i fondsvedtektene (vedlagt sak/vedtekter)